



**Clavis Aurea Thesauri Partheno-Carmelitici, Sive  
Dissertatio Historico-Theologica, Referans atque  
Exponens Antiquitatem & originem, confirmationem ac  
propagationem, beneficia ac privilegia, gratias & ...**

**Paulus <Ab Omnibus Sanctis>**

**Viennæ Austriæ, 1669**

IV. Refertur tenor Bullæ Sabbatinæ à Ioanne XXII. primum promulgatæ,  
aliorumque Pontificum Diplomata eidem suffragantia.

---

[urn:nbn:de:hbz:466:1-64293](https://nbn-resolving.org/urn:nbn:de:hbz:466:1-64293)

riographi: ita non minus absurdè ineptèq; quispiam argueret, & inferret JOANNEM XXII. revelationem de Privilegio Sabbatino non habuisse, quia de ejus tempore & anno discrepant Scriptores. *Per tuerunt quippe ex varijs causis in diversa abire, inquit Raynaudus, cum illud adjunctum, salvâ Bullæ & Visionis veritate quoad substantiam. Cum haec dissensio, ut supra innuimus, non spectet revelationem, ejusq; substantiam, sed solum determinatum ejus tempus, aut Authores eam referentes.*

## C A P U T IV.

*Refertur tenor Bullæ Sabbatinæ à IOANNE XXII. primum promulgatæ, aliorumq; Pontificum Dilemmata eidem suffragantia.*

90.

**D**ISSERUIMUS hactenus de revelatione JOANNI Pontifici communicata, deq; tempore obversatæ eidem visionis, nunc de Bulla illius *Sabbatina* nuncupata, & in dicta revelatione fundata, differendum erit. Habita quippe à DEIPARA revelatione de publicando ac confirmando precibus animabus Fratrum ac Confratrum in Purgatorio existentibus Privilegio, subjectam edidit Bullam.

*JOANNES* Episcopus, Servus Servorum DEI, universis & singulis Christi Fidelibus, tam presentibus quàm futuris, presentes litteras inspecturis, Salutem & Apostolicam Benedictionem.

*Ioanni flexis genibus oranti apparet Deipara Virgo in habitu Carmelit.*

*Sacratissimo uti culmine Paradisi, Angelorum tam sancta reperitur melodia, &c. Sic mihi flexis genibus supplicanti visa fuit Carmelita, sequentem affata sermonem: O Joannes, Vicarie mei Dilecti Filij; veluti à tuo te eripiam in versario, te Papam facio, solemni dono Vicarium, meis coadjuvantibus supplicationibus dulcissimo Filio meo petens, quod gratiosè obtinui: Ita gratiam, & amplam meo sancto & devoto Carmelitarum Ordini Confirmationem debeas preconcedere,*

ELIAM

ELIAM & ELISEUM in Monte CARMELO inchoato; quod unusquisq; Professionem faciens, Regulam à meo Seruo ALBERTO Patriarcha ordinatam, & per meum dilectum Filium INNOCENTIUM approbatam, observabit, & inviolatam obtinebit: ut verus mei Filij Vicarius, debeas in terris asserere, quod in calis meus statuit semel & ordinavit Filius; quod qui in sancta perseverabit Obedientia, Paupertate & Castitate, vel qui sanctum intrabit Ordinem, salvabitur. Et si alij devotionis causâ, in sanctam ingrediantur Religionem, sancti habitus signum ferentes, appellantes se CONFRATRES & CONSORORES mei Ordinis prenominati, liberentur & absolvantur, tertiâ eorû peccatorum portione, à die quo presatum Ordinem intrabunt: Castitatem, si vidua est, promittendo; Virginitatis, quæ Virgo est, fidem præstando: si conjugata, inviolatè observationem Matrimonij adhibendo (ut S. Mater imperat Ecclesia.) Fratres Professi dicti Ordinis, supplicio solvantur & culpâ. Et die quo ipsi à seculo recedunt, & properato gradu accelerant Purgatorium: Ego Mater gratiosè descendam Sabbato post eorum obitum, & quod inveniam in Purgatorio, liberabo, & eos in Montem sanctum vita æterna reducam: Verùm quod ipsi Confratres & Consores, teneantur Horas dicere Canoniales, ut opus fuerit secundùm Regulam datam ab Alberto. Illi, qui ignari sunt, debeant vitam jejunam ducere, iis diebus, quos sacra jubet Ecclesia, nisi necessitatis causâ alicui essent traditi impedimento, Mercurio & Sabbato debeant à carnibus abstinere, præterquam in mei FILII Nativitate. Et hoc dicto evanuit hæc sancta Virgo. Istam ergò sanctam Indulgentiam accepto, roboro, & in terris confirmo, sicut propter merita Virginis Matris, gratiosè Christus concessit in calis. Nulli ergò hominum omninò liceat hanc paginam nostræ Indulgentiæ seu statuti & ordinationis irritare, vel ei ausu temerario contraire. Si quis autem hoc attentare præsumpserit,

Ex hoc Virgineo Pontificio- que oraculo manifestè patet Eliam & Eliseum Prophetas fundatores fuisse Ord. Carmelit.

Promissio Deiparæ de liberandis Frat. ac Confratribus suis Sabbato post eorû obitum à Purgatorio.

Utrum hæc liberatio fiat semper per personalem descensum, infra c. 13. dicetur.

Quid observandum sit volentibus frui privilegio Bullæ Sabbatinæ?

*sumpserit, indignationem omnipotentis DEI, & B.B. Apostolorum Petri & Pauli se noverit incursum. Datum Avenionae die 3. Martij. Pontificatus nostri Anno 1. legunt alij sexto.*

Nulli ætati  
desuere  
Pontifices,  
qui Sabba-  
tinâ *Ioan.*  
*XXII.* Bul-  
lam Apo-  
stolicâ au-  
thoritate  
comproba-  
rent, con-  
firmarent-  
que.

Horum  
primus fuit  
*Alexander*  
*V.*

Diximus suprâ nullâ ætate defuisse Pontifices, qui hoc Privilegium, hancq; Bullam suis Apostolicis Diplomatum confirmarent attestarenturq;. Si quidem cum Bulla Sabbatina, Pontificiâ JOANNIS XXII. auctoritate primùm sæculo decimo quarto promulgata fuerit, mox sub initium sæculi subsequenti, decimi quinti scilicet ALEXANDER V. anno Christi 1409. Pontificatus sui primo, dum Diplomate, *Ioannis* Bullam comprobavit, ac novo pondere firmavit. In quo etiam Diplomate *Ioannis* Autographum à se visum, ac diligenter inspectum ac recognitum testatur: ejusdem Autographi Apographum verbatim exscriptum suo illi Diplomati inseruit. Singulari verò dignitate providentiæ beneficio adscribendum videtur, quod *Alexander* suum Diploma Bullam *Ioannis* verbatim integrèq; retulerit, quod post annis videlicet 1421. Diplomatis *Alexandri* publicum authenticumq; Majoricæ instrumentum conficeretur, ad instantiam R. P. Alphonsi de Theranno Angli: qui Autographum seu Bullam originalem *Alexandri* quam Judicibus & Notarijs legendam inspiciendamq; ut ijdem testantur, exhibuit, atq; in Angliam, ubi Prioris munere fungebatur, erat asportaturus, unâ cum Bulla *Ioannis* adservandam. Cùm enim infelici sorte ac calamitate *Ioannis* & *Alexandri* Autographa postmodum perierint, hoc instrumentum & alia authentica superesse voluit, & præfatorum Autographorum vices supplere.

91.

Tenor autem Bullæ ALEXANDRI, & præfati Instrumenti huc est.

*In Nomine Domini nostri IESU Christi, Amen.*

Anno Dominice Incarnationis millesimo quatercentesimo vigesimo primo mense Januarij, die secundo ejusdem mensis, decimâ quintâ indictione, regnante Excellentissimo & Serenissimo Domino N. Rege Alphonso, DEI gratiâ, incognite Barcinonie, Duce Athenarum, & Neopatriæ, ac etiam Comite Rossionis, & Seritanie, regimini verò ejus anno sexto feliciter, Amen. Nos Petrus de Terranova Iudex, & Paulus de Rubengerio, Imperiali Auctoritate abbas, & Regiâ totius Insule Majoricarum Iudex Ordinarius, ac Notarius Publicus, & alij fides subscripti, ad hoc vocati specialiter, & rogati, præfenti scripto publico notum facimus,

facinus, & testamur, quod ad nostram accedens presentiam Venerabilis F. P. Alphonsus de Therano de Regno Anglia, Prior Conventus Capturiensis, Ordinis S. MARIE de Monte CARMELI, nobis presentavit, & publice legi fecit quandam Bullam Papalem felic. record. ALEXANDRI Papa V. impetratam per dictam Ordinem, quam vidimus, legimus, & inspeximus diligenter, tenoris & continentie subsequenti: petijtq; a nobis Venerabilis Prior, nostrum, qui supra, Iudicis, & Notarij in hac parte Officium implorando, ut ipsam Bullam in formam publicam ad cautelam dicti Ordinis, cuius interest, & interesse poterit in futurum, redigere & exemplare deberemus.

Nos autem attendentes petitionem dicti exponentis, tanquam sana & iusta rationi consonam, quia iuste petentibus non est denegandus assensus, dictam Bullam cum Bulla plumbea pendente, prout jacet, nihil per nos aucto, vel mutato, seu etiam dominato, quod sensum mutet, augeat, vel variet intellectum, in presentem formam publicam, & sumptum publicum duximus fiducialiter redigendum, ut tanta fides adhibeatur huic publico sumpto, quanta adhiberi possit originali Bulla predicta. Cujus Bulla tenor per omnia talis est.

ALEXANDER Episcopus, Servus Servorum DEI, universis & singulis Christi fidelibus, tam presentibus quam futuris presentes litteras inspecturis salutem, & Apostolicam Benedictionem. Tenore cuiusdam Privilegij felicis recordationis IOAN. vigesimi secundi, predecessoris nostri, dilectis Filijs Priori Generali, & Fratribus, & dilectis in Christo Filiabus, Sororibus, Confratribus Confratrie Fratrum dicti Ordinis Carmelitarum concessi, per nos visi & diligenter inspecti, de dicto Originali sumpto, ut de ipso impostertum certitudo plenior habeatur, presentibus fecimus annotari, qui talis est.

Ioannes Episcopus, Servus Servorum DEI, Universis & singulis Christi Fidelibus, &c.

Datum Romae 7. Decembris apud sanctam Mariam Majorem, Pontificatus nostri anno 1.

Vnde ad futuram memoriam, & dicti Ordinis certitudinem & cautelam presens publicum Transumptum, exinde factum est per me predictum Notarium Petrum, meoq; solito signo signatum, nostrisq; Iudicis & subscriptorum Testium subscriptionibus roboratum. Actum Majorica anno, mense, die & indictione praemissis.

S:

Ego

Ego Petrus de Terra nova, qui supra, Imperiali auctoritate ubiq; & Regia totius insule Majoricarum, Iudex ordinarius atq; Notarius publicus, praesentia omnia rogatus scripsi, meoq; solito signo obfignavi. &c.

Ego Paulus de Rubengerio de Placentia, qui supra, Iudex me testor.

Ego Dominus Alphonsus de Majorica, praedictam originalem Bullam in plumbea pendente vidi & legi, & me subscripsi.

Ego Dominus Andreas De poculis praedictam originalem Bullam vidi, & legi, & me testor.

Ego Dominus Philippus de Arta, ut supra.

Ego Dominus Philippus de Au, ut supra, me subscripsi.

92.

Alterum authenticum Apographum seu exemplar Diplomaticum ALEXANDRI extat novem à priore elapsis annis scilicet 1440 confectum, non immediatè ex Bulla *Alexandri*, sed ex superiori Instrumento excerptum per Matthæum de Monte Leone Judicem, & Nicolaum de Urone Notarium, &c. Agrigenti in Sicilia die 6. Augusti anni jam dicti; sigillum apponente Illustrissimo ac Reverendissimo D. Laurentio Episcopo Agrigentino, qui superius Transumptum ad petitionem R. P. Gerardi de Trapano in Sicilia Carmel. Ordin. Provincialis, vidit, legit, & diligenter auscultavit, &c. Huic etiam Instrumento plurimi subscripsere Judices ordinarij, publiciq; Notarii, adeò ut praefatis duobus Instrumentis nihil prorsus desit, quo minus censentur authentica, fidemq; faciant Bullae *Ioannis* & *Alexandri*: cum tota solemnitas, quam Jura, tum Canonicum, tum Civile exigunt, in ijs conficiendis observata esse manifestè appareat.

Porrò advertendum est circa superiores *Ioannis* & *Alexandri* Bullas, Angelum Cherubinum Monachum Cassinensem, Tom. I. Bullarum Romæ excusi an. 1638, ad Constitut. 31. Clementis VII, ad §. 1. ubi Constit. hæc scribere: *Has Constitutiones prætermisi* (loquitur de præfatis *Ioannis* & *Alexandri*) *quia continent elargitionem Indulgentiarum, que reformata fuit; ut hîc dixi in Rubrica.* Ex quo colligo primùm ambas Bullas non latuisse Angelum Cherubinum. *Secundò*, eundem horum Diplomatum Originale vel Transumptum seu Instrumentum ita authenticum præ manibus habuisse, ut sufficeret ad inferendas Bullas præfatas Constitutiones, nisi aliud, scilicet jam dicta Indulgentiarum reformatio, obtitisset. *Tertiò*, non ideò omissas fuisse à Cherubino, quòd ei forent suspectæ, verùm quòd reformatam crederet indulgentiam.

dulgent. elargitionem, &c. Hæc verò reformatio intelligenda est de Indulgentia tertiæ partis peccatorum, quæ à PAULO V. una cum alijs fuit immutata in alias, etiam liberaliores, anno 1606. non autem de Sabbatina, quam an. 1609. Paulus V. potius confirmasse, quam revocasse infrà demonstrabimus.

SEQUENTI sæculo nempe decimo sexto, Ecclesiam an. 1523. regere incepit CLEMENS VII. qui ad excitandam tepescentem Fidelium devotionem, & reprimendas seu præcavendas à nonnullis motas, aut quæ moveri posse videbantur, contradictiones, difficultatesq; singularissimum illud Privilegium Sabbathinum à JOANNE XXII. & ALEXANDRO V. probatum ac publicatum duplici Constitutione de novo asseruit, comprobavit, confirmavitq;. Priorem reperiet Lector apud Emmanuëlè Rodericum Tom. 2. qq. Regul. q. 97. art. 7. & Thomam à JESU lib. 2. de Confratern. Cap. 2. ut alios omittam Carmelitas eam referentes sub hæc verborum forma.

DILECTI FILII Nicolaus Audet Generalis, ac Provinciales & Priores domorum Ordinis B. MARIÆ de Monte Carmelo juxta morem dicti Ordinis, nec non Confratres utriusq; sexus Confraternitatum in Ecclesijs domorum seu domibus ejusdem Ordinis institutarum nobis nuper exponi fecerunt, quod alias fel. record. IOAN. Papa XXII. & ALEXANDER V. Romani Pontifices, Prædecessores nostri, universis & singulis Christi Fidelibus, qui Confraternitatem de Monte Carmelo intrare seu Confratrum Confraternitatis ejusdem numero adscribi, ipsiusq; statuta observare, ac habitum dicti Ordinis deferre, seq; fratres, & sorores dicti Ordinis appellare, itaq; similiter Virgo Castitatem, vidua verò continentiam, conjugata autem matrimonij jura, prout sancta Mater Ecclesia præcipit, à tempore eorum ingressus inviolabiliter servare velle promiserint, & observaverint, tertiam suorum peccatorum partem in Domino relaxarunt. Ac die quo à seculo hujusmodi purgatorium accesserint, ipsa Virgo gloriosa DEI Genitrix MARIA Sabbato sequenti post ipsorum Confratrum seu Religiosorum, ac Sororum obitus visitando à penis purgatorij hujusmodi eorum animas liberabit. Quodq; Confratres ipsi litterarum eorundem Prædecessorum participes fieri volentes Horas Canonicas juxta formam ab Alberto Patriarcha dicto Ordini concessam, & ordinatam recitare; ignari verò litterarum diebus, quibus sancta Ecclesia jejunare præcipit, jejunare: nec non quarta feria & sabbato tempore vite eorum (præterquam die, qua aliquã ex ferijs prædicti Nativitatem Domini nostri IESU Christi occurrere contigerit) à carnibus abstinere debere &c. [ Recensitis deinde per multis alijs Privilegijs prosequitur. ]

S 2 Nos

93.

Extat Romæ in Archivo Conventus Carmelit. Transpontin.

Tenor prioris Bullæ Clement. VII. Diploma Joann. XXII. & Alexand. V. confirmantis.

Nos itaq; huiusmodi supplicationibus inclinati IOANNIS & ALEXANDRI, ac aliorum Prædecessorum nostrorum litteras, ac per eosdem Prædecessores omnia & singula Privilegia &c. Etiam per Nos & Sedem Apostolicam concessa, quorum omnium Tenores presentibus pro sufficienter expressis habentur. Auctoritate Apostolica tenore presentium approbamus & innovamus, & perpetua firmitatis robur obtinere & inviolabiliter observari debere, &c. Dat. in Urbe, sub annulo Piscatoris, die 15. Maij, Anno M. D. XXVIII.

94.

POSTERIOR Clementis VII. Constitutio sub plumbo expedita emanavit Romæ anno Domini 1530. Pontificij sui an. 7. pridie id Augusti. Refertur integrè à Cherubino inter *Constitutiones CLEMENTIS VII. num. 31.* & à Roderico semel & iterum in Bullario Antiquariæ excuso an. 1623. primo quidem Tom. 2. in Clemente VII. in undecima: deindè in addition, ad eundem Tom. num. secunda: alijsq; capitulis pluribus, ut sequitur.

Tenor posterioris Clement. VII. Bullæ, qua denuo eadem dictarum litterarum confirmatio repetitur.

CLEMENS Episcopus, Servus Servorum DEI, ad perpetuam rei memoriam.

Ex clementi Sedis Apostolica provisione, nec non personarum DEORUM vocatarum sub Religionis iugo & regulari castimonia Domino militantium pietate provenire dignoscitur, ut Rom. Pontifex quandoq; per Prædecessores Romanos Pontifices, pro personarum earundem, ac illarum locorum felici successu & quiete, ac Christi Fidelium pijs operibus vacantium animarum salute consideret, approbet & innovet, ac innovata confirmat, & alia de novo concedat, quæ in Domino conspicit salubriter expedire.

Sanè pro parte dilectorum filiorum Nicolai Audet Generalis, & Priorum, & Priorum Domorum Ordinis beate MARIÆ Virginis de Monte Carmelo, nec non Confratrum utriusq; sexus Confraternitatum in Ecclesijs earundem ejusdem Ordinis institutarum nobis nuper exhibita petitio continebat, quæ alias felici recordationis IOAN. XXII & ALEXANDER V. Romani Pontifices, Prædecessores nostri, universis & singulis Christi Fidelibus, qui Confraternitatem de Monte Carmelo ingredi, seu Confratrum Confraternitatum huiusmodi nullo modo adscribi, ipsiusq; Ordinis statuta observare, ac habitum dicti Ordinis de se, seq; Fratres & Sorores dicti Ordinis appellare, ita tamen quod si mulier castitatem, vidua verò continentiam, conjugata autem matrimonij iura (quæ ut sancta Ecclesia precipit) tempore eorum ingressus inviolabiliter servare non promitterent, & observarent, tertiam partem suorum peccatorum in Domino relaxaret.



relaxarunt, ac ipsa gloriosissima DEI Genetrix semper Virgo M A R I A ipsorum Confratrum seu Religiosorum ac Sotorum animas post eorum transitum suis intercessionibus continuis, pijs suffragiis, & speciali protectione adjuvabit: quodq; Confratres ipsi, gratiarum earundem Prædecessorum participes fieri volentes, Horas Canonicas juxta formam ab ALBERTO Patriarcha dicto Ordini concessam, & ordinatam recitare: Ignari verò litterarum, diebus, quibus sancta Ecclesia jejuna præcipit, jejunare, nec non quarta feria & Sabbato toto tempore vite eorum, præterquam die, qua aliquam ex ferijs prædictis Nativitatem Domini nostri IESU Christi occurrere contigerit, à carnibus abstinere deberent. His præmissis mentionem ingerit complurium privilegiorum, immunitatum, exemptionum, &c. à Prædecessoribus suis Romanis Pontificibus eidem Ordini concessarum, mox incipit Bullam Sabbatinam hisce verbis confirmare &c.

Nos igitur dicti Ordinis (quem præ ceteris in visceribus gerimus charitatis, prosperum & tranquillum statum, ac animarum salutem paterno zelantes affectu, hujusmodi supplicationibus inclinati, IOANNIS & ALEXANDRI ac aliorum Prædecessorum nostrorum litteras, ac per eosdem Prædecessores omnia & singula Privilegia, immunitates, exemptiones &c.

Quorum omnium tenores præsentibus pro sufficienter expressis, & insertis haberi volumus, auctoritate Apostolica Tenore præsentium approbamus & innovamus, ac perpetua firmitatis robur obtinere, & inviolabiliter observari debere decernimus.

In altera hujus Bullæ parte concedit idem Pontifex plurima privilegia, indulgentias, gratias, &c. Confraternitati B. M A R I Æ Virginis de Monte Carmelo, de quibus omnibus nos infra parte tertia, quarta & quinta, uberius agemus, tandemq; concludit hanc Bullam hoc modo, Datum Rome apud S. Petrum anno Incarnationis Dominice 1530. pridie idus Augusti Pontificatus nostri anno septimo.

QUADRIENNIO post PAULUS III. illud Clementis VII. Diploma, & privilegia in eo innovata ac confirmata suæ Bullæ incipienti: Provisionis nostræ provenire debet subsidio, ut suum jus cuilibet conservetur. inseruit iterumq; confirmavit his verbis: Nos tenorem quarundam litterarum felic. record. CLEMENTIS Pape VII. Prædecessoris nostri, in Registro ipsius Prædecessoris compertum &c. Et post integram Clementis Bullam, descriptam iungit: Ceterum, ut earundem tenor litterarum hic insertus, omnimodam rei seu facti certitudinem faciat, auctoritate nostra decernimus, ut

95.  
In præ-  
stitit Paulus III. an.  
1534.  
Asservatur hoc Pauli III. diploma authenticum in

Conventu  
Carmelit.  
Rothoma-  
genſi & in-  
tegrum re-  
fertur ab  
Irenzo in  
*Monumen-  
tis lib. cit.  
pag. 26.*

*Paulus IV.*

96.

*Pius V.  
an. 1566.*

97.

*Et Grego-  
rius XIII.  
an. 1577.*

Docet hic  
Pontifex

illud idem robur, eandem vim, eundemq; vigorem dictus tenor habeat, que ha-  
berent originales litterae supradictae, ac eadem prorsus eidem tenori fides adhae-  
retur, quodcumq; & ubicumq; sive in iudicio, sive alibi, ubi fuerit exhibitus seu ef-  
sus, & eidem tenori firmiter servetur in omnibus, sicut ejusdem originalis li-  
teris daretur, si forent exhibitae & ostensa &c. Datum Romae apud S. Petrum  
anno Incarnationis Dominicae 1534. 3. Novembr. Pontificatus nostri an-  
no primo.

PAULUM IV. qui eodem fedit saeculo, peculiari Diplomate  
cui JOANNIS XXII. Bullam indidit, eandem probasse ac confirmasse  
se tradit Theophilus Raynaudus in *Scapulari Mariano parte 1. Cap. 2.*

CLEMENTEM VII. & PAULUM III. & IV. secutus est PII  
V. eodem saeculo anno 1566. 6. Calend. Maij: motu proprio Privilegium  
Sabbatinum confirmavit per Constitutionem incipientem *Supra*  
*na dispositione.* Cujus Autographum cum sigillo plumbeo Romae in  
chivo Convent. Transpontini asservari scripsit Lezana Tom. 4. *Ant.*  
*ad an. 1322.* in qua inter caetera haec habentur. *Nec non omnium & sa-*  
*gularum Privilegiorum, Indulgentiarum, & Gratiarum etiam Sabbatarum*  
*per pie mem. IOANNEM XXII. INNOCENTIVM VIII. & CLEMENTEM*  
*VII. & alios Romanos Pontifices, Praedecessores nostros quomodolibet concessorum*  
*& approbatorum, ac quarumcumq; litterarum de super consecratarum tenore*  
*praesentibus pro sufficienter expressis habentes, motu proprio &c. Nostri met*  
*liberatione, omnia & singula Privilegia, Indulgentias & alias Grantias &c. A*  
*ritate Apostolica, tenore praesentium approbamus. Vides, subjungit, in*  
*Lezana, pie Lector, à PIO Pontifice, motu proprio approbata*  
*gratia Sabbatina per IOAN. XXII. & CLEMENTEM VII. concessa &c.*

INTRA idem saeculum, vix elapsis ab emanata CLEMENTIS  
VII. Bulla altera annis 47. GREGORIUS XIII. PII V. in Romae  
Sede Successor, anno 1577. Pontificatus sui anno sexto, amplius  
encomio Carmeli Ordinem Sodalitiumq; propria Constitutione  
celebrat, nec modo Diplomata Ioannis XXII. Alexandri v. ac Clementis  
VII. in actu signato memorat, tanquam legitima, verum etiam non  
ea ro bore communire voluit, referens idem praestitisse Pium V. alicui  
anteriores Pontifices, juvat nonnulla ex Gregoriana hac Consti-  
tutione hic adjungere.

*Gregorius Papa XIII. ad perpetuam rei memoriam.*

*Vt Laudes gloriosissimae Virginis MARIÆ referre, que salutis nostrae pro-*  
*ductio*

Auctorem, lingua nunquam cesset humana, sed ejus sanctissimum nomen pia devotione celebretur, ac veneretur: sacrum Ordinem sub invocatione ejusdem B. MARIE de Monte CARMELO, quem eadem Virgo venustissima & omnibus virtutum floribus insignita edidit, proprijsq; nominis titulo insignivit, à pluribus Romanis Pontificibus Prædecessoribus probatum, varijsq; privilegijs, & facultatibus jam pridem decoratum: ex quo in agro Domini uberes fructus manarunt, & in dies non mediocres producuntur, gratia nostra speciali complectendum esse censemus, quo & antiqua privilegia illi Ordini (nostra ad id accedente auctoritate) sublatis quibusdam impedimentis præserventur, ac Fideles singuli ad Ecclesias ejus Ordinis statutis diebus constantes, eo libentius ibidem conveniant, ac orationi incumbant, alijsq; infra scripta pia opera exerceant, quo eximè dono celestis gratie uberius conspexerint se esse refectos, &c.

Nos igitur Ordinem ipsum, illiusq; personas inter ceteros Regularium Ordinum Professores in Catholica Ecclesia militantes, tamquam Religionis Exemplar speciali charitate fulgentes, Sanctorumq; Prophetarum ELIÆ, Elisei & Enoch: nec non & aliorum Sanctorum Patrum, qui Montem sanctum CARMELO, juxta ELIÆ fontem inhabitarunt, successionem hereditariam tenentes specialibus favoribus & gratijs prosequentes, & infra.

Idemq; IOANNES XXII. pro animabus, quæ in purgatorio existunt, & habitum hujus Religionis gestarunt, vel eorum Confraternitatem ingressi fuerint, vel Confratrum numero adscripti in honorem ejusdem beatæ MARIE MATRIS DEI, die Sabbati post earum transitum intercessionibus ejusdem continuis, pijs suffragijs, & meritis ac speciali protectione adjuvandis privilegium publicavit corroboravit & confirmavit, &c.

Deniq; CLEMENS Septimus, post IOANNEM XXII. & ALEXANDRUM V. eorum litteras approbando: habitum gloriosissima & beatissima Virginis MARIE MATRIS DEI gestantibus, seu Confraternitatem ingredientibus, & alia servantibus, ut in iisdem litteris continetur, Indulgentijs, peccatorum remissionibus, & gratijs singulis utriusq; sexus concessis, perpetuæ firmitatis robur addidit, & innovavit, ipsiq; & alijs participationem omnium bonorum spiritualium totius Ordinis Carmelitarum, & universalis Ecclesiæ, nec non Indulgentias stationum in Ecclesijs alme urbis, tam intus, quam foris, temporibus, quibus eadem indite sunt, indulgit & concessit. Quas etiam idem PIVS Quintus immediate Prædecessor noster approbavit & confirmavit decernentes presentes litteras, sub quibusvis similibus & dissimilibus gratiarum revocationibus, limitationibus, suspensionibus, aut derogationibus similibus & dissimilibus Privilegorum, Gratia-

Deiparava  
V. fac.  
Carmeli  
Ordin. &  
didisse pro-  
prijq; no-  
minis titu-  
lo insigni-  
viffe.  
Idem tra-  
dit SIXTUS  
IV. in Bul-  
la supra  
Cap. 4.  
num. 27.  
relata.

Commen-  
dat Ordin.  
Instituto-  
res & me-  
rita.

Privilegiū  
Sabbatinū.

Confirmat  
eximias  
indulgen-  
tias ac pri-  
vilegia  
Confrat.  
Carmelo-  
Parthen.  
à pluribus  
Pontific.  
concessa.  
Extat hoc  
diploma  
apud P.  
Udephons.

de Jesu-Maria in lib. privileg. Ord. pag. 326.

Rodericum & Cherubinum in suis Bullarijs, Irrennem, Fezayum, Lezanam, & alios.

98.

Thom. à JESU lib. 2. de Confrat. Carm. & Leo. à S. Joanne in Fœdere spirit. referunt Sixtū V. Gregor. XIV. & Clement. VIII. & duos priores etiam alij. Extant litteræ originales Romæ in Conventu Transpontino.

Gratiarum, Indulgentiarum, & aliarum quarumcunq; concessionum nullatenus comprehendi, sed semper ab illis exceptas esse, censeriq; debere; ac de subreptionis vel obreptionis vitio, aut intentionis nostræ defectu notari, aut impugnantur posse, sed presentes validas semper & efficaces existere, ac perpetuo suffragari. Sicq; & non aliter, in præmissis omnibus & singulis per quoscunq; iudices ordinariorum, & delegatos, quavis auctoritate fungentes, etiam causarum palatii apostolici Auditores, ac sanctæ Romanæ Ecclesiæ Cardinales, sublata eorum & eorum liberet, quavis aliter judicandi, & interpretandi facultate, & auctoritate, iudicari & definituri debere; irritumq; & inane quidquid secus super hiis à quocunq; quavis auctoritate scienter vel ignoranter contigerit attentari, &c.

Datum Romæ apud S. Petrum sub annulo Piscatoris, die decimo menses Septembris 1577. Pontificatus nostri anno sexto.

TANDEM, ut cæteros transeamus, qui à nonnullis adducuntur Pontifices, sub principium ferè sæculi, quod nunc decurrit, & ceteri septimi PAULUS V. promulgato an. 1606. Diplomate, Mariæ Scapularis Sodalitio amplissimas largitus est indulgentias, & illud ubi vis locorum erigendi Generali Ord. Carmelitarum, ejusq; Vicariis solutam impertitus est facultatem, de quibus in IV. & VIII. hæc operis Parte diffusius differemus: atq; anno 1613. die 11. Februarii post longam maturamq; Sabbatini privilegij à sacra universalis Institutionis Romanæ Congregatione discussionem, subiectum promulgavit decretum.

Patribus Carmelitanis permittatur prædicare, quod populus Christianus possit piè credere de adjutorio animarum Fratrum & Confratrum Sodalitatis B. Virginis MARIÆ de Monte CARMELI; videlicet beatissimam Virginem animas Fratrum & Confratrum in charitate decedentium, quæ in vita habitum egissent, & castitatem pro suo statu coluerint, officiumq; pariter recitaverint, vel si recitare nesciant, Ecclesiæ jejunia observaverint & feria quarta & Sabbato à carnibus abstinerint (ubi in istis diebus Nativitas Domini incidit) suis intercessionibus continuis, pijsq; suffragijs, & meritis ac speciali protectione post earum transitum, præcipuè in die Sabbati, qui dicitur Ecclesiæ eidem beatiss. Virgini dicatus est, adjuturam, &c.

De hoc decreto plura dicentur inferius, ubi exponentur, ex-  
pendenturq; illius clausulæ.

## CAPUT V.

### Examinantur & ponderantur producta supra Diplomata.

**A**DVERTENDUM imprimis ex P. Lezana Tom. 4. qq. Re-  
gul. verb. *Litteræ Apostolicae*. litterarum Apostolicarum tria  
esse genera. Quædam cum bulla plumbea pendente circa  
magna expediuntur negotia, quæ generali vocabulo *Bulla*  
vocantur. Aliæ pro parvis expediuntur negotijs, cum sigillo cereo,  
per anulum Piscatoris, & vocantur *Brevia*. Aliæ vocantur *Signatura*,  
quæ sunt supplicationes, seu petitiones in scriptis Papæ, vel ejus  
ministris porrectæ, quibus Papa subscribit per *Fiat*, vel simile verbû,  
non tamen ornata sigillo, &c. ita ille ex Rebuffo in *Praxi beneficior.*  
tit. *de Bulla*, tit. *de Brev.* & tit. *de Signatur.* Petro Gregorio in *Synagm.*  
lib. 17. cap. 15. & Grassio 1. parte *Decis.* lib. 4. in explicat. *Bull. Cæn.* cap. 6.  
num. 9. & 91. Etsi verò præcisè & rigorosè loquendo *Bulla* dicatur,  
quæ plumbo munitur, frequenter tamen ab Authoribus, & à nobis  
nonnunquam etiam in hoc Opere sumitur pro qualibet Pontificia  
Constitutione. Laudatum supra ALEXANDRI V. Diploma, neq;  
Brevium, neq; Signaturarum est è numero, verùm ijs omnibus superi-  
rius, utpote bullatum: quod manifestè constat ex adducto *precedenti*  
*Capite Instrumento*: quæ plumbi solemnitas, quantum augeat Bullæ  
momentum ac pondus, quantamvé rebus in ea descriptis fidem &  
authoritatem conciliet, Lectori benevolo dijudicandum, ac perpen-  
dendum relinquo.

Circa CLEMENTIS VII. Constitutionem observandum venit  
primò, eam fuisse plumbo munitam: quod attestatur *Alexander Riarius*,  
Alexandrinus Patriarcha, Romanæ Curie, Cameræq; Apostolicæ cau-  
sarum generalis Auditor & Judex ordinarius, in litteris præfate Bullæ  
præfixis apud Rodericum in *Bullario* pag. 313. edition. Antuerpiens.  
an. 1623. Ex quo veræ ac germanæ Bullæ authoritas elucescit; nec  
leviter, aut causâ minimè discussâ expeditam fuisse præsumendum est;

T

cùm id

99.

Tria sunt  
litterarum  
Apostoli-  
carum ge-  
nera.  
Quid  
sit *Bulla*,  
quid *Bre-  
ve*, quid  
*signatura*

Cujus sit  
authorita-  
tis supra  
adductum  
*Alexandri  
V. diploma*  
& quibus  
accensum  
dum?

100.

Cujus *Cle-  
mentis VII.*  
&c.